



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput XVII. (a) Idem.

[urn:nbn:de:hbz:466:1-74526](#)

C A P U T XVI.

(a) Idem.

DE jure verò patronatus in præscripta capella, hoc tuæ discretioni mandamus, ut si prædictus R. ipsum comparavit, cùm inconveniens sit, & penitus in honestum vendi jus (b) patronatus, contractum illum sub. ap. rem. irritum denuncies manere, ipsumque Apostolica auctoritate fretus non differas revocare.

N O T Æ.

(a) *[Dem.]* In prima collectione, sub hoc titulo cap. 20. ita legitur; & post Concilium Lateran. p. 15. cap. 17. tantum legitur *Idem*: sed in eadem appendice, p. 47. cap. 1. legitur ut in præsenti à Raymundo transcribitur: & forsitan eandem causam spectat textus in cap. ad aures 19. hoc tit. in eadem collectione, ubi sub eadem inscriptione hæc verba leguntur: *[Ad aures nostras pervenit, quod Rober-* tus, & W. de Crotona iuspatronatus Ecclesiæ emere non dubitavit, & Canonice de Stodeleja tantas molestias intulit, persecutio[n]es, & gravamina, quod metu, & dolo illius seducti, juri suo penitus renunciaverunt. Unde quoniam cùm iuspa-

tronatus connexum sit spirituali, nemini licitum est vendere illud, d. t. p. A. s. m. quat. utraque parte ante convocatâ, rei veritatem diligentius inquiras, & si ita esse inveneris, prædicto R. super patronatu Ecclesiæ, oc. & ap. rem perpetuum silentium imponas, & prædicti Canonici jus, quod ibi habebant, si Prior eorum metu capit, quod idem R. se abscessum fide, ut fertur, firmavit, eidem renunciaverit, integrè facias restitui, non obstantibus litteris nostris (si qua sunt) tacita veritate impletar.] De Cantuariensi Metropoli nonnulla notavi in cap.... de rescript.

(b) *Juspatronatus.*] Primo & principaliter, quia est spiritualibus annexum, cap. quanto 3. de judic. Lotherius de re benef. lib. 2. cap. 9. Simil tamen cùm universitate bonorum alienari valer, ut probavi supra in cap. 1.

C A P U T XVII.

(a) Idem.

NUllus laicus (b) decimas, aut (c) Ecclesiæ, aut quidquid ecclesiastici juris est, sine concessione sui Pont. nec monasteriis, nec canoniciis offerat: & si quis Episcopus improbitatis, & (d) avaritiae causa consentire noluit, Romano (e) Pontifici nuncietur, & quod offerendum est, tunc de licentia ejus offeratur.

N O T Æ.

(a) *[Dem.]* Nec in prima collectione, ubi sub hoc tit. cap. 21. reperitur hic textus; nec post Concilium Lateran. p. 15. cap. 18. exprimitur Praelatus, cui retribuat Pontifex forsitan legem generalem condere in præsenti voluit, & ita non ab aliquo Prælato consultus, sed motu proprio præsentem editit constitutionem.

(b) *Decimas.*] Juxta tradita in cap. ad Apolloniæ, de his quæ sunt à Prælat.

(c) *Ecclesiæ.*] Idei beneficia ipsa, seu Ecclesiæ, ad proprietatem, non verò iuspatronatus; quia illud sine Episcopi consensu locis religiosis donari potest, cap. illud 8. hoc tit. ubi textum hunc exposui.

(d) *Avaritia causæ.*] Forsitan petendo redem:

ptionem, seu penitentiam, de quibus egi in Capite 1. de capellis monachorum.

(e) *Romano Pontifici.*] Sed quare non est adeundus Metropolitanus immediatus superior, ut consenserit illum præstet, vel Episcopum illum præstare cogat? Variè fatis aciunt Doctores congettæ à Barbosa hinc, sed placet sententia Sebastiani Cœsarisi de Ecclesiæ hierarch. disput. 5. §. 2. num. 21. quem suppresso nomine sequitur Barbosa in præsenti, videlicet, quod cum consensu Episcopi in præsenti desideretur pro solennitate ipsius actus, ex cap. consultationibus, de donat. non potest suppleri per Metropolitanum, sed tantum per ipsum Summum Pontificem, ut probat doct. ipse Barbosa; poterat tamen Archiepiscopus cogere ipsum Episcopum, ut consensum præstaret.

C A P U T XVIII.

(a) Idem.

SIgnificasti. *Et infra:* Cæterum si Episcopi post promotionem suam præsentationes personarum ad Ecclesiæ à patronis earum pro Ecclesiæ sibi commissis adepti succint, personæ idoneæ, quas ad eas vacantes repræsentaverint, sunt admittenda.

Uuu 4 NOTÆ